

Na osnovu čl. 57. Zakona o bankama ("Službene novine Federacije BiH" broj: 39/98, 32/00, 48/01, 27/02, 41/02, 58/02, 13/03, 19/03 i 28/03) i Odluke Privremenog upravnika broj: P.U. 15-2503/12 od 10.07.2012.g., Privremeni upravnik Postbank BH Poštanske banke Bosne i Hercegovine d.d. Sarajevo u privremenoj upravi objavljuje

JAVNI POZIV

pozivaju se potencijalni investitori da podnesu svoje prijave i ponude za dokapitalizaciju, za pripajanje ili spajanje, te za prodaju imovine uz otkup obaveza Postbank BH Poštanske banke Bosne i Hercegovine d.d. Sarajevo u privremenoj upravi (u daljem tekstu: Postbank BH d.d. Sarajevo / Banka).

PREDMET JAVNOG POZIVA

Predmet Javnog poziva je:

1. dokapitalizacija
2. pripajanje ili spajanje
3. prodaja imovine uz otkup obaveza

1. DOKAPITALIZACIJA BANKE

Banka se dokapitalizira emisijom dionica putem zatvorene prodaje, najmanje u iznosu od 13.000.000,00 KM koja osigurava kapital Banke u skladu sa minimalnim standardima utvrđenim Zakonom o bankama i rad Banke u skladu sa važećim zakonima i odlukama Agencije za bankarstvo Federacije BiH.

Ponude sa manjom vrijednošću dokapitalizacije, neće se uzimati u razmatranje.

Pravo učešća imaju domaća i strana, pravna i fizička lica, protiv kojih nije pokrenut postupak stečaja ili likvidacije.

Potencijalni investitori trebaju ispunjavati uslove propisane Zakonom o bankama i podzakonskim aktima Agencije za bankarstvo Federacije BiH za dobivanje saglasnosti za sticanje vlasništva u Banci, kao i finansijsku sposobnost za realizaciju dokapitalizacije.

2. PRIPAJANJE DRUGOJ BANCII SPAJANJE SA DRUGOM BANKOM

Pripajanje ili spajanje Postbank BH d.d. Sarajevo moguće je samo banci koja posluje na teritoriji Bosne i Hercegovine i koja svoje poslovanje obavlja u skladu sa Zakonom o bankama i propisima nadležne Agencije za bankarstvo, kao i da posjeduje finansijsku i organizacionu sposobnost za realizaciju pripajanja ili spajanja.

3. PRODAJA IMOVINE UZ OTKUP OBAVEZA

Prodaja imovine vrši se uz srazmjeran otkup obaveza Postbank BH d.d. Sarajevo čiju početnu cijenu čini knjigovodstvena vrijednost imovine/obaveza Banke na dan 30.06.2012. godine.

Pravo učešća imaju Banke koje posluju na teritoriji Bosne i Hercegovine i koje svoje poslovanje obavljaju u skladu sa Zakonom o bankama i propisima nadležne Agencije za bankarstvo.

O BANCII

Postbank BH d.d. Sarajevo je osnovana 16.02.1997. godine, posjeduje potrebne dozvole za obavljanje bankarskih poslova, poslova platnog prometa sa inostranstvom, devizno-valutnih poslova, kreditno-garancijskih poslova sa inostranstvom, te dozvolu za obavljanje unutrašnjeg platnog prometa.

Banka je od 05.10.2010. godine u postupku privremene uprave, zbog neusklađenosti neto kapitala sa odredbama Zakona o bankama.

Na dan 30.06.2012. godine, prema nerevidiranom izvještaju, bilans Banke iznosi:

u 000 KM

AKTIVA	
Novčana sredstva i računi depozita kod depozitnih institucija	22.216
Kreditni, potraživanja po poslovima lizinga i druga potraživanja	28.779
Poslovni prostori i ostala fiksna aktiva	1.009
Ostale nekretnine	0
Investicije u nekonsolidovana pov.poduzeća	6
Ostala aktiva	3.742
Rezerve za potencijalne gubitke	4.788
UKUPNA AKTIVA	50.964
OBAVEZE	
Depoziti	38.126
Uzete pozajmice – dospjele obaveze	0
Uzete pozajmice od drugih banaka	2.000
Obaveze po uzetim kreditima	0
Ostale obaveze	5.523
UKUPNO OBAVEZE	45.649
Kapital	5.315
UKUPNO OBAVEZE I KAPITAL	50.964

Vanbilansna potraživanja Banke iznose: 955

Vanbilansne obaveze Banke iznose: 7.162

Revidirani finansijski izvještaj na dan 31.12.2011.g., te osnovne podatke o Banci, poslovnom okruženju i druge informacije zainteresovana lica mogu dobiti putem kontakta:

Put života br. 2 • 71000 Sarajevo • Bosna i Hercegovina •

Tel: +387 33 564 000 • Fax: +387 33 564 050

e-mail: postbankbh@postbankbh.ba

web: www.postbankbh.ba

ROK ZA PODNOŠENJE PRIJAVA I NAKNADA

Potencijalni investitori prijave sa dokumentacijom za učešće na Javnom pozivu mogu podnijeti u roku od 20 (dvadeset) dana od dana objave Javnog poziva u sredstvima informisanja na adresu:

Postbank BH d.d. Sarajevo u privremenoj upravi

Komisija za provođenje Javnog poziva

71 000 Sarajevo, Put života 2.

Bosna i Hercegovina

(s naznakom "Prijava za Javni poziv" i s napomenom "ne otvarati").

Prijavu može podnijeti lice ovlašteno za zastupanje ili punomoćnik uz priloženu punomoć.

Prijava se podnosi u zatvorenoj koverti na jednom od službenih jezika u Federaciji Bosne i Hercegovine.

Naknada za Prijavu učešća na Javnom pozivu iznosi 2.000,00 KM bez prava povrata, koju su potencijalni investitori dužni uplatiti na transakcijski račun Postbank BH d.d. Sarajevo broj: 1870100000005630 sa naznakom: uplata naknade troškova za učešće na Javnom pozivu.

Uplata protuvrijednosti naknade za učešće na Javnom pozivu iznosi € 1.022,59 (EUR). Uplata se vrši u korist Postbank BH d.d. Sarajevo, SWIFT CODE: POBHBA22 na račun kod Unicredit Bank Austria, AG Vienna, rn: 0101-66494/00, IBAN CODE: BA391870100000005630.

USLOVI ZA PODNOŠENJE PRIJAVA

Prijava na Javni poziv treba da sadrži opšte informacije o investitoru, njegovom sjedištu, ovlaštenom licu za zastupanje, strukturi vlasništva, finansijskom stanju, kao i druge informacije koje investitor želi prezentirati.

Uz prijavu se prilažu slijedeća dokumenta:

1. ovjerena fotokopija registracije kod nadležnog suda ili drugog nadležnog organa (za investitora pravno lice);
2. ovjerenu ličnu kartu ili pasoš (za investitora fizičko lice);
3. original ili ovjerenu fotokopiju finansijskog izvještaja nezavisnog revizora za protekle 3 godine i posljednji periodični finansijski izvještaj (za investitora pravno lice);
4. izjava investitora o finansijskoj sposobnosti;
5. dokaz o uplati naknade troškova za učešće na Javnom pozivu.

Dokumenti koji se prilažu uz prijavu, a koji nisu izvorno napisani na jednom od službenih jezika u Federaciji Bosne i Hercegovine, moraju biti prevedeni od ovlaštenog sudskog tumača na jedan od službenih jezika u Federaciji Bosne i Hercegovini i uredno ovjereni od strane nadležnog organa.

POSTUPAK RAZMATRANJA PRIJAVA

Komisija za provođenje Javnog poziva imenovana od strane Privremenog upravnika Banke utvrđuje formalnu ispravnost prijave, ispunjavanje uslova, kompletnost dostavljenih prijava. Komisija može nakon otvaranja prijave po potrebi tražiti i dodatne informacije od podnosioca prijave.

Komisija ima obavezu obavijestiti podnosioca prijave o prihvatanju odnosno neprihvatanju prijave, najkasnije u roku od 7 dana od dana isteka roka za prijavu.

Komisija za provođenje Javnog poziva, uz obavijest o prihvatanju prijave, poziva investitora da izvrši analizu poslovanja Banke (due diligence), te određuje vrijeme termina za obavljanje iste.

Svi potencijalni investitori će obaviti proces due diligence najkasnije u roku od 30 dana od dana dostavljanja obavijesti o prihvatanju prijave.

Prije početka due diligence, lica ovlaštena od potencijalnog investitora za obavljanje navedenog pregleda potpisuje Izjavu o povjerljivosti.

PODNOŠENJE PONUDA

Ponude po Javnom pozivu se dostavljaju najkasnije 10 (deset) dana nakon obavljenog due diligence. Nakon obavljenog due diligence i podnesene ponude, potencijalni investitori više nemaju pravo prigovora na stanje Banke. Ponuda treba da sadrži:

- iznos i plan dokapitalizacije ukoliko se ponuda odnosi na dokapitalizaciju,
- terminski program pripajanja ili spajanja, te okvirni plan reorganizacije koji treba usvojiti nadležni organ banke ukoliko se ponuda odnosi na pripajanje ili spajanje drugoj banci,
- kupovna cijena te terminski program kupovine imovine i otkupa obaveza koji je nadležni organ odobrio ukoliko se ponuda odnosi na prodaju imovine uz otkup obaveza.

Svi ponuđači su dužni dostaviti plan poslovanja Banke za naredne tri godine.

Ponudu podnosi lice ovlašteno za zastupanje ili punomoćnik uz propisno ovjerenu punomoć i to u zatvorenoj koverti, na jednom od službenih jezika u Federaciji Bosne i Hercegovine, na adresu:

Postbank BH d.d. Sarajevo u privremenoj upravi
Komisija za provođenje Javnog poziva
71 000 Sarajevo, Put života 2.
Bosna i Hercegovina
(s naznakom "Ponuda po Javnom pozivu za..." i s napomenom "ne otvarati")

Uz Ponudu se dostavlja i dokaz o uplaćenom depozitu za učešće na Javnom pozivu. Depozit za učešće na Javnom pozivu u iznosu od 50.000,00 KM i uplaćuje se na račun Postbank BH d.d. Sarajevo u privremenoj upravi na TRN: 1870100000005630 sa naznakom: „uplata depozita za učešće na Javnom pozivu“.

Uplata protuvrijednosti depozita iznosi € 25.565,00 (EUR). Uplata se vrši u korist Postbank BH d.d. Sarajevo, SWIFT CODE: POBHBA22 na račun kod Unicredit Bank Austria, AG Vienna, rn:0101-66494/00 - IBAN CODE: BA391870100000005630.

POSTUPAK RAZMATRANJA PONUDA I KRITERIJI

Otvaranje, vrednovanje i rangiranje dostavljenih ponuda vrši Komisija za provođenje Javnog poziva. Vrednovanje ponuda vršit će se na komparativnoj osnovi, a prema slijedećim kriterijima:

1. DOKAPITALIZACIJA BANKE

- a). Iznos dokapitalizacije max 80 %
- b). Plan poslovanja Banke max 20 %

2. PRIPAJANJE ili SPAJANJE DRUGOJ BANCII

- a). Bonitet investitora max 60 %
- b). Plan poslovanja Banke sljednika max 40 %

3. PRODAJA IMOVINE BANKE UZ OTKUP OBAVEZA

- a). Kupovna cijena max 60 %
- b). Bonitet investitora max 20 %
- c). Plan poslovanja kupca imovine Banke i broj zaposlenika koji se zadržavaju u radnom odnosu na neodređeno vrijeme: max 20 %

Komisija za provođenje Javnog poziva može od svakog potencijalnog investitora zatražiti dodatne informacije koje se odnose na dostavljenu dokumentaciju, na poslovni ugled, financijsku sposobnost ili druge informacije koje mogu biti od uticaja na konačnu odluku o izboru najpovoljnijeg investitora.

O mjestu i vremenu otvaranja ponuda će ponuđači biti pismeno obaviješteni.

ODABIR NAJPOVOLJNIJEG INVESTITORA I PRIGOVOR NA IZBOR

Komisija za provođenje Javnog poziva, vrednuje ponude i utvrđuje rang listu dostavljenih ponuda. Pod istim uslovima ponude, prednost za dokapitalizaciju imaju postojeći dioničari.

Komisija ima obavezu obavijestiti podnosiocima ponude o prihvatanju odnosno neprihvatanju ponude, najkasnije u roku od 7 dana od dana isteka roka za dostavljanje ponude.

Potencijalni investitori imaju pravo prigovora u roku od 7 dana od dana prijema obavještenja od strane Komisije za provođenje Javnog poziva. O eventualnim prigovorima odlučit će Komisija u roku od 7 dana od dana prijema prigovora.

Privremeni upravnik će sa prvorangiranim ponuđačem pristupiti realizaciji po ovom Javnom pozivu, u skladu sa datom ponudom.

Prije potpisivanja ugovora, Investitor je u obavezi da obezbijedi dokaz da raspolaže sredstvima prema dostavljenoj ponudi, ukoliko se radi o ponudi za dokapitalizaciju Banke.

Svi ponuđači su prije potpisivanja ugovora u obavezi da obezbijede potrebne saglasnosti nadležnih regulatora.

Ukoliko prvorangirani ponuđač nakon obavještenja o izboru jednostrano odustane od svoje ponude, gubi pravo na povrat depozita.

U slučaju odustanka izabranog prvorangiranog ponuđača od Javnog poziva, odnosno sklapanja ugovora, Privremeni upravnik može pristupiti pregovorima sa ponuđačem koji je slijedeći na rang listi, sve dok se Javni poziv ne realizuje ili donese odluka o njegovom poništenju ili proglasi neuspjelim.

Investitorima čije ponude ne budu prihvaćene iz bilo kojeg razloga, uplaćeni depozit će se vratiti u roku od sedam dana nakon izvršenog izbora najpovoljnijeg ponuđača.

Privremeni upravnik zadržava pravo poništenja Javnog poziva bez obrazloženja u bilo koje vrijeme i u tom slučaju Banka ne snosi bilo kakve troškove potencijalnih investitora.

Sarajevo, 21.08.2012.

Privremeni upravnik

mr.oec. Klepo Ćamil